

诗比兴笺

716112
57527

詩比興箋

詩比興箋卷三

蘄水陳沆撰

陳子昂詩箋

射洪著述斯文中興自李杜推激於前

李陽冰太白集序杜甫過

陳拾遺故宅詩

韓柳服膺於後

韓愈送孟東野序薦士詩柳宗元楊評士文集序

是高步三唐橫埽六代莫不以爲今古之升降質文

之軌轍焉然逐響則同知音罕覯尋其湮鬱亦有端

由自宋子京唐書謂明堂太學之疏薦圭璧於房闥

王士禎筆記謂大周受命之頌甚劇秦而美新又或

訾崇福觀之記有孝明帝之稱於是末學隨聲百喙

一。律。不。有。論。世。曷。由。闡。幽。請。考。子。昂。所。立。之。朝。與。同。
朝。之。人。並。考。子。昂。立。朝。之。節。與。去。朝。之。日。而。後。質。之。
以。感。遇。之。什。則。心。迹。終。始。日。月。爭。光。矣。夫。女。禍。有。極。
不。同。澆。浞。之。朝。獨。陰。不。生。終。無。嬴。馬。之。嗣。是。以。哀。姜。
再。世。篡。魯。不。成。呂。雉。十。年。安。劉。反。掌。武。后。僭。號。年。已。
六。旬。太。廟。之。祭。主。未。移。園。丘。之。配。享。如。故。主。器。猶。然。
長。子。中。外。不。乏。老。臣。孰。不。隱。忍。數。載。之。間。濡。俟。中。興。
之。日。哉。設。使。陵。平。嬰。勃。委。身。新。莽。之。朝。姚。宋。狄。婁。俯。
首。泚。溫。之。陛。則。不。得。爲。名。教。中。人。矣。誠。知。仕。呂。仕。周。
不。同。新。室。安。史。則。隨。例。進。賀。之。表。應。制。頌。美。之。什。諸。

公亦豈能獨無特一則功業揜文章偶乏流傳之什

一則文章揜忠義翻遺玷類之端然石淙山侍宴之

詩狄姚與二張諸武並列石刻在河南登封縣石淙山薛曜書張燕公

銘檄之作孝明與天冊金輪間稱張說節愍太子妃墓志稱孝明高皇

后即武士彠妻也又為河內王武懿此則今日尙存

宗露布伏惟天冊金輪聖神皇帝

亦不聞薰蕕同器燕許殊科者也仲尼見楚越之君

亦必稱之為王惟春秋乃可書子彼宋狄諸公當日

語言文字其敢直斥武士彠乎今既不能議諸公之

仕周乃猶謂仕周而不當從其稱謂其亦舍本而齊

末許浴而禁裸已且夫同仕而異品同迹而異心者

一辨諸忠佞之從違。二辨諸進退之廉躁。厯考武后一朝。惟子昂諫疏。屢見武后欲淫刑。而子昂極陳酷吏之害。武后欲黷兵。而子昂極陳喪敗之禍。武后欲殲滅唐宗。而子昂請撫慰宗室。甚至初仕而爭山陵之西葬。冒死而訟宗人之冤獄。皆言所難言。如柄入鑿。是以杜甫過陳拾遺故宅詩云。千古立忠義。感遇有遺篇。其爲黨附不黨附。可不言決矣。武后以官爵籠天下士。或片言取卿相。或四時厯青紫。至於文學材藝。更所牢籠。沈宋杜薛。閻蘇二李。或參控鶴奉宸之職。或預三教珠英之修。其後神龍之初。並坐二張

之黨子昂曾有一於此乎。釋褐十載。不過拾遺。自託
多病。不樂居職。諫牘則輒遭報罷。參軍則屢忤諸武。
未及壯年。遽乞歸養。父喪廬墓。哀動路人。至以侍從
之臣。竟死縣令之手。故杜甫詩又云。位下何足傷所
貴者。聖賢同游英俊人。多秉輔佐權。其躁進不躁進。
又。可。不。言。決。矣。若。謂。二。端。尙。未。足。明。心。迹。必。如。狄。公
之薦東之。預基興復。姚宋之相開元。始稱晚蓋。則試
問婁師德。徐有功。魏元忠。諸公。謀未參于興復。身未
逮乎開元。其與子昂又何同異。責備賢者。豈其偏枯。
矧昔私家之著述。尤徵文字之心聲。嗣宗醉草勸牋。

而詠懷惻憂魏室

代勸九錫牋皆刺嘲之詞

子山身食周粟而詞

賦惟哀江南

庾信仕讐國不可爲訓非仕武后者比也姑取其不忘梁耳

韓非有

忠秦之譏而爭存韓以死獄苟或有附曹之謗而爭

九錫以殉身君子論人善善從長亦觀其志之所存

而已坤乾易位之時猘獠磨牙之日偶語棄市道路

以目厯考唐人諸集亦有片章隻句寄懷興廢如子

昂之感憤幽鬱涕泗被面下者乎故知屈阮之嗣音

杜陵之先導心迹與狄宋同符文行掩沈杜而上豈

比法言頌安漢之德可見美新之由衷臨刑賦子房

之詩適形叛宋之矯僞哉故備箋之俟誦詩論世君

子因其言以知其志。烏呼！九原可作，雖爲執鞭所欣慕焉。

感遇詩三十八首

子昂感遇雄軼古今。然問其所感何遇，則皆不求甚解。於是推以元奧，謂陰符參同，詡其音節如古謠樂府。趣不關理，詞不附情。何異瞽史誦詩，有聲無志耶？夫不求甚解，必在會意忘食之餘。詩有別趣，不出愜心厭理之外。涸涖之下，必有淵潭。儻眇之詞，端非淺寄。屈宋枚阮古轍可尋，得其肯綮，理解斯晬。夫古人亦何取以無謂之詞，迷繆後世哉？嘗考杜子美詩曰：

千古立忠義。感遇有遺篇。並世知音實。惟牙曠此外。
則僧皎然。謂源于阮公。詠懷朱鶴齡。謂多指武后。革
命。見杜詩註亦並能緣少陵之詞。窺射洪之隱者。惜哉末
學。目比秋荼。毀贊兩非。比賦如夢。至舊唐書。謂子昂
少爲感遇三十首。王適見而許以天下文宗。此則猶
太白蜀道難作。於明皇幸蜀之後。而唐摭言。謂賀知
章見之於初至長安之時。詳李詩箋皆小說傳會無稽。止
知取其生平有名之篇。傳以生平知遇之事。而不顧
歲月情事之參差無足深辨也。詩中云。林臥觀無始。
又云。林居病時久。則是作於暮年去官歸養之時。

微月生西海。幽陽始代升。圓光正東滿。陰魄已朝凝。太極生天地。三元更廢興。至精諒斯在。三五誰能徵。

箋曰。開章明義。厥旨昭然。陰月喻黃裳之坤儀。陽光喻九五之乾位。才人入宮。國運方盛。嗣君踐阼。燭處司晨。三統迭興。五德代運。循環倚伏。疇可情量。

聖人秘元命。懼世亂其真。如何嵩公輩。詆譎誤時人。先天成爲美。階亂誰禍因。長城備胡寇。嬴禍發其親。赤精旣迷漢。子年何救秦。去去桃李花。多言死如麻。

箋曰。緯書有元命苞。漢人以緯候圖讖爲秘學。

神仙傳宮

嵩者。瑯琊人。漢元帝時。從其師于吉學道。此言聖人得書上之。書多論陰陽否泰災眚之事。

之言天道不可得聞者。雖有前知之美。適爲階亂之資。如貞觀中太白晝見太史占女主昌。民間又謠女主武王。於是太宗以嫌疑殺大將李君羨。以其小字五娘。又官邑屬縣皆武也。而不知武氏爲才人在其宮中。正猶始皇以亡秦者胡。大築長城而不知其子胡亥。故曰長城備胡寇。嬴禍發其親也。武后天授中君羨家訟冤。武后詔復其官。新唐書贊曰。以太宗之英明。蔽於謠讖。濫君羨之誅。徒使孽后引以自神。顧上天不哀哉。同此詩旨也。章末故爲隱語。言今之以口語。取禍者死多如麻矣。尙可不如桃李之無言。以遠害。

乎。

臨歧泣世道。天命良悠悠。昔日殷王子。玉馬遂朝周。寶鼎淪伊穀。瑤臺成古邱。西山傷遺老。東陵有故侯。

箋曰。此章尤顯。昔日殷王子玉馬遂朝周者。謂太子相王等。並改姓武氏之事也。周者借寓其號。

幽居觀大運。悠悠念羣生。終古代興沒。豪聖莫能爭。三季淪周赧。七雄滅秦嬴。復聞赤精子。提劍入咸京。炎光既無象。晉虜復縱橫。堯禹道已昧。昏虐勢方行。豈無當世雄。天道與胡兵。咄咄安可言。時醉而未醒。仲尼溺東魯。伯陽遁西溟。大運自古來。旅人胡歎哉。

箋曰。此指諸王舉兵興復。悉就敗滅之事也。一女后臨御稱制而舉天下莫能抗。豈非天道助虐乎。

元天幽且默。羣議曷咄咄。聖人教猶在世。運久淩夷。一繩將何繫。憂醉不能持。去去行采芝。勿爲塵所欺。

箋曰。天意渺冥。難可情測。惟以人事度之。則先皇之德澤猶在。未應遽斬。世運之淩夷已深。又似難回。展轉二端。憂心如醉。一繩繫日。誠不能持。意惟潔身長往。不與塵淄矣乎。蓋欲去未忍。欲救無權。決計良難。豈伊朝夕。

吾觀龍變化。乃是至陽精。石林何冥密。幽洞無畱行。古之

得○仙○道○信○與○元○化○并○元○感○非○象○識○誰○能○測○沈○冥○世○人○拘○目○
見○酣○酒○笑○丹○經○崑○崙○有○瑤○樹○安○得○采○其○英○
箋○曰○此○言○天○命○之○終○必○復○也○尺○蠖○有○時○屈○申○神○龍○莫○
測○變○化○自○古○以○喻○當○陽○受○命○之○君○此○則○以○指○唐○室○國○
祚○也○其○潛○蟄○躍○見○非○羣○陰○所○能○畱○阻○其○應○運○中○興○皆○
天○命○非○人○力○正○猶○仙○人○之○得○道○上○升○者○皆○與○造○化○合○
一○世○俗○目○見○之○徒○不○知○天○命○但○知○去○衰○附○盛○語○之○以○
此○方○笑○而○不○信○安○得○一○日○飛○龍○利○見○萬○物○咸○覩○復○都○
崑○崙○而○遊○太○清○乎○

金鼎合神丹。世人將見欺。飛飛騎羊子。胡乃在峨眉。幽化

固○非○類○芳○菲○能○幾○時○疲○疴○苦○淪○世○憂○痼○日○浸○淄○眷○然○顧○幽○
楊○白○雲○空○涕○洟○

箋○曰○此○與○觀○龍○變○化○一○章○同○旨○金○丹○神○方○還○顏○卻○老○
喻○回○天○再○造○之○功○也○世○人○疑○其○相○欺○卽○酣○酒○笑○丹○經○
之○意○也○試○思○變○化○飛○舉○苟○不○可○信○則○丹○成○羽○化○遨○游○
名○山○者○獨○何○人○乎○目○前○朝○槿○薜○華○之○榮○利○能○幾○何○時○
但○恐○神○丹○不○至○沈○疴○日○深○河○清○難○俟○使○我○憂○痼○耳○幽○
謁○明○恤○緯○之○思○白○雲○卽○帝○鄉○之○旨○
索○居○猶○幾○日○炎○夏○忽○然○衰○陽○彩○皆○陰○翳○親○友○盡○睽○違○登○山○
望○不○見○涕○泣○久○漣○漣○宿○昔○夢○顏○色○若○與○白○雲○期○馬○上○驕○豪○

子驅逐正蚩蚩蜀山與楚水攜手在何時

箋曰子昂舉進士在高宗末年踰年而武后廢廬陵
稱制故云索居猶幾日炎夏忽然衰也陽彩皆陰翳
喻佞幸黨附之盈朝親友盡睽違喻宗室勳舊之殂
謝涕泣漣漣宿夢顏色故國故君之思也驕豪驅逐
乘勢煽權之人也若與白雲期以故鄉寓帝鄉之感
蜀山楚水攜手何時以故交寓故君之思
浩然坐何慕吾蜀有峨嵋念與楚狂子悠悠白雲期時哉
悲不會涕泣久漣漣夢登綏山穴南采巫山芝探元觀羣
化遺世從雲螭婉變時永矣感悟不見之